



**RESOLUCIÓN POLA QUE SE FAI PÚBLICO O ESGOTAMENTO DO CRÉDITO PREVISTO NA ORDE DO 15 DE DECEMBRO DE 2017 POLA QUE SE ESTABLECEN AS BASES REGULADORAS E A CONVOCATORIA DE SUBVENCIÓNS PARA O ANO 2018, EN RÉXIME DE CONCORRENCIA NON COMPETITIVA, DENTRO DO PLAN ESPECÍFICO DE ACCIÓN COMUNITARIA DESTINADO A ASOCIACIÓNES VECIÑAIS, CONFEDERACIÓNES, FEDERACIÓNES OU UNIÓNES DE ASOCIACIÓNES DE VECIÑOS DE GALICIA, COMUNIDADES DE USUARIOS DE AUGAS E ASOCIACIÓNES DE MULLERES RURAIS DE GALICIA**

## FEITOS

**Primeiro.** Mediante a Orde do 15 de decembro de 2017 a Vicepresidencia e Consellería de Presidencia, Administracions Públicas e Xustiza estableceu as bases reguladoras e a convocatoria de subvencións, en réxime de concorrencia non competitiva, dentro do Plan específico de acción comunitaria destinado a asociaciónes veciñais, confederacións, federacións ou uniões de asociaciónes de veciños de Galicia, comunidades de usuarios de augas e asociaciónes de mulleres rurais de Galicia (DOG núm. 4, do 5 de xaneiro), que se tramitou como expediente anticipado de gasto.

**Segundo.** Por resolución do 14 de marzo de 2018 concedéreronse as subvencións ás entidades que presentaron solicitude completa, por rigorosa orde de presentación na sede electrónica da Xunta de Galicia, por importe total de 998.511,56 €.

**Terceiro.** Unha vez resoltas as solicitudes presentadas ao abeiro da devandita orde, constátase que coa resolución ditada o 14 de marzo de 2018 esgotouse o crédito dispoñible para a concesión destas subvencións.

## CONSIDERACIÓNES LEGAIS E TÉCNICAS

**Primeira.** Corresponde a persoas titulares da Dirección Xeral de Administración Local, por delegación da persoas titulares da Vicepresidencia e Consellería de Presidencia, Administracions Públicas e Xustiza, a resolución dos procedementos que se inicien en virtude da referida Orde do 15 de decembro de 2017, ao abeiro do establecido na disposición derradeira primeira e no artigo 7.3 desta orde.

**Segunda.** O procedemento de concesión destas subvencións tramitouse mediante o réxime de concorrencia non competitiva, de acordo co establecido no artigo 9.2 da Lei 9/2007, do 13 de xuño, de subvencións de Galicia. Segundo este precepto legal, as bases reguladoras das convocatorias de axudas poderán exceptuar o requisito de fixar unha orde de prelación entre as solicitudes presentadas que reúnan os requisitos establecidos cando, polo obxecto e a finalidade da subvención, non sexa necesario realizar a comparación e a prelación das solicitudes presentadas nun único procedemento ata o esgotamento do crédito orzamentario.

En consecuencia, ditouse a resolución de concesión citada no antecedente de feito segundo, que recolleu aquelas solicitudes presentadas das que se verificou que toda a documentación que esixía o artigo 5 da orde era correcta e estaba completa, ata o esgotamento do crédito consignado na aplicación 05.23.141A.781.0 (CP 2016 00375), por un importe máximo de 1.000.000,00 €.

**Terceira.** En concordancia co dispuesto no artigo 31.4 da Lei 9/2007, do 13 de xuño, de subvencións de Galicia, a orde establece no seu artigo 2 que o esgotamento do crédito dispoñible informarase a través da páxina web oficial da Vicepresidencia e Consellería de Presidencia, Administracions Públicas e Xustiza (<http://cpapx.xunta.gal>). Este esgotamento do crédito será causa de denegación da concesión da subvención, segundo determina o artigo 8.2 da Orde do 15 de decembro de 2017.

**Cuarta.** Polo exposto nas consideracións anteriores, segundo o establecido no artigo 2 da orde, no artigo 31.4 da Lei 9/2007, do 13 de xuño e no artigo 32 do Decreto 11/2009, do 8 de xaneiro, polo que se aproba o Regulamento da Lei de subvencións de Galicia, procede fazer público o esgotamento do crédito consignado na Orde do 15 de decembro de 2017 pola que se establecen as bases reguladoras e a convocatoria de subvencións para o ano 2018, en réxime de concorrencia non competitiva, dentro do Plan específico de acción comunitaria destinado a asociaciónes veciñais, confederacións, federacións ou uniões de asociaciónes de veciños de Galicia, comunidades de usuarios de augas e asociaciónes de mulleres rurais de Galicia.



XUNTA DE GALICIA

VICEPRESIDENCIA E CONSELLERÍA DE PRESIDENCIA,  
ADMINISTRACIÓNS PÚBLICAS E XUSTIZA  
Dirección Xeral de Administración Local

R/ Madrid 2-4, 2º. As Fontiñas  
15781 SANTIAGO DE COMPOSTELA  
Teléfonos 981 546 579 – 981 546 220  
Fax: 981 546 569  
Correo electrónico: dxal@xunta.es

g<sub>alicia</sub>

Con base en todo o anterior

**PROPOÑO:**

**Primeiro.** Comunicase que o día 14 de marzo de 2018 se esgotou o crédito dispoñible para as subvencións convocadas pola Orde do 15 de decembro de 2018 pola que se establecen as bases reguladoras e a convocatoria de subvencións para o ano 2018, en réxime de concorrencia non competitiva, dentro do Plan específico de acción comunitaria destinado a asociacións veciñais, confederacións, federacións ou uniões de asociacións de veciños de Galicia, comunidades de usuarios de augas e asociacións de mulleres rurais de Galicia, con cargo á aplicación orzamentaria 05.23.141A.781.0.

As subvencións concedidas son as recollidas na resolución que se cita no antecedente de feito segundo desta resolución, que inclúen as solicitudes completas e correctas ou as completadas mediante emenda voluntaria, recibidas na sede electrónica da Xunta de Galicia ata o día 8 de xaneiro de 2018 ás 08:40 horas.

**Segundo.** Considéranse denegadas as solicitudes de subvención que teñan rexistro de entrada posterior ao recollido no segundo parágrafo do punto primeiro desta resolución, nos termos establecidos no artigo 8.2 das bases reguladoras.

**Terceiro.** Contra esta resolución que pon fin á vía administrativa poderase interpoñer recurso potestativo de reposición ante o vicepresidente e conselleiro de Presidencia, Administracións Públicas e Xustiza, no prazo dun mes contado a partir do día seguinte ao da notificación da presente resolución, de acordo co disposto nos artigos 123 e 124 da Lei 39/2015, do 1 de outubro, do procedemento administrativo común das administracións públicas, ou ben directamente recurso contencioso-administrativo ante o xulgado que corresponda, no prazo de dous meses contado desde o día seguinte ao da notificación desta resolución, de conformidade co establecido na Lei 29/1998, do 13 de xullo,

Santiago de Compostela, 29 de novembro de 2018

A directora xeral de Administración Local

Marta Fernández-Tapias Núñez

**RESOLUCIÓN:** Vista a proposta de resolución que antecede, veño a darlle a miña **conformidade** nos termos expostos **elevándoa a resolución**

Vicepresidente e conselleiro de Presidencia, Administracións Públicas e Xustiza

P.D. (D.o. primeira da Orde do 15.12.2017. DOG núm. 4, do 5 de xaneiro)

A directora xeral de Administración Local

Marta Fernández-Tapias Núñez